

آشيق شمشير دده

آذربايجانين بويوك و داهي صنعتكارلاريندان سايلان دده شمشير ۱۸۹۳- نجى ايلده كلبجر رايونونون داميرچيدام كندينده دونيايا گوز اچيب. آتالارى اوزليكله آشيقين اوز آتاسى قوربان ، كيمي شعره و آزادليقا ان كيچيك ياشلاريندان مارق گورسديب عمومور بويى بير چوخ ظلمه و تعديه معروز قالميش بير شاعير و آشيق سايلير. خالق ادبياتنين و شفاهى ياراديجليقين ان اونده سايلان صنعتكارلاريندان دده شمشير ايگيرمى نجى عصيرده آذربايجان و آشيق پئوميزنين اينكشافيندا بويوك رولو اولان شاعيرلردن سايلير. قاباقچاداندا دئديگميز كيمي عمومور بويى بير چوخ ظلمه و يوردونا و مسكينه تعروزه معروز قالان شاعير يارادجيليقيندا آيدينجا بونى ديله گتيرميش و بوتون ياراتديقلارى سوزلو-سازلى شعرلرينده گوزه چارپيدماقدادير. بئله كى شاعيرين بو اوز به اوز ياشايشيندا بئله اوز گوستريب و ان سونوندا ۱۹۹۲ نجى ايلرده داشناق ائرمينلر كلبجرين ايشغالى زمانى شاعيرين ان ديرلى و اونملى ديوانى بير چوخ باشقا يازيلا بيرليكه و حتا آتاسنين قوربانين يازيلاريدا يانديربلر آرادان آپارلميش. ۲۰۰۴ نجى ايل شاعيرين ۱۱۰ نجى دوغوم گونلريله راستلاشناسى دولايى بوشاعيرين و آشيق اوستادين شعر ديوانين حوظورلارنيزا سونولور.

Ali.b.turk

[E-mail:turkbaris2003@yahoo.com](mailto:turkbaris2003@yahoo.com)

باياتيلار

چاغير سن گئجه يارى

باختيندان كئچه يارى

يوخودا يارى گوردوم

اويناديم گئجه يارى

×××

گئيميسن، آ خارا

دوشموسن درین آخارا
بولبول باخار گول آغلار
گولوستاندا او خارا

×××

دورما بیزیم درده سن
دئمه اولور درد آسان
ظالیم سنی درده دوش
سالدین منی درده سن

×××

سمندر اودوم آلدی
اودومدان او دم آلدی
صرافسان یاقوت آختار
تاپارسان او دا مالدی

×××

دیمه یارام تئز قانار
آنلا ناموس، تئز قان آر
عاریفه بیر ایشاره
قاش - گوزده ن تئز قانار

×××

من آشیق آدام چالار
یارمچلیق آدام چالار
آدامی شاه مار قویوب
سوخلجان آدام چالار

×××

من آشیقام، او سارا

من گئديرم اوسارا
تولک ترلان ورملمر
اگر چاتسا او سارا.

xxx

من آشيق، يارا سالار
غم جانا يارا سالار
گئجه دئير: -لاچينام
گون گورمز ياراسالار

xxx

من آشيقام، من قانا
عاريف مطلب مين قانا
بيرجه اورک ياخاسان
اوز اولار مين قانا

xxx

قير ايليلار

داغلارين

يازدا به زه نر، قالي تک
ياشيلي، آلي داغلارين
قوزو مه لر يايلاقيندا
خوش کئچر حالي داغلارين
وار نرگيسي، بنوشه سي
اتگينده گول مئشه سي

اولور اویناماق پئشه سی
ائلی، اوبالی داغلارین
بولاق اوسته گلیر نازلا
قیز سنکله، آشیق سازلا
بولبول اوخور آوازلا
گوزل صفالی داغلارین
آباد اولور یایلاقلاری
خوبانلارین اویناقلاری
چوخی سولو بولاقلاری
سرین هاوالی داغلارین
قایالاردا ککلیک سئکر
بولود قالخار یاغیش توکر
سینه سینه دومان چوکر
گوللی لاله لی داغلارین
ساری یئرہ خاچ بولاغی
اوباگ، چر یایلاماغی
آرانلاردان بیزیم داغی
گولر مئشه لی داغلارین
چوبانلارین چالیر توتہ ک
گوی تپہ لر، گوزہ ل گویچه ک
گورنده چالخانیر اورہ ک
چایی سونالی داغلارین
کئچیر یازی گلیر یایی
شیریلتیپلا آخیر چایی
صیادینا چاتیر پایی

حلال مايالى داغلارين
يارپاقا شئه دوشر سحر
هر بوجاغى بهشت تهر
بينالارى اولوب شهر
آرتيق جلالى داغلارين
پاييز چوله دوشوب قيروو
قوشقار كپيز، چيليز، ميروو
شمشيري گزه ر كوكسونده اوو
هوندور قايالى داغلارين

يالوارا - يالوارا

بير ناصفا - بي ايلقارا
گلديم يالوارا - يالوارا...
قاپيسينا گنجه گوندوز
گلديم يالووارا - يالوارا...
گاهى گلم، بويو شاهباز
فصل باهار، سينه سي ياز
من يانينجادا، اوائتدى ناز
اؤلدؤم يالووارا - يالوارا...
ايديم ايلمز باشيمي
هئچ دويمادى تلاشيمي
سئل تك آخان گوز ياشيمي
سيلديم يالووارا - يالوارا...

شمشیریم بئله زحمتله
جانا گلدیم بو موحتله
بیرجه بوسه مینتله
آلدیم یالووارا-یالووارا...

قوشمالار

داغلارا

هئچ باخمیرسان چیچکلردن بری سن
گل باخ چمنگاهلی بیزیم داغلارا
دوور-صدف کسم گلیم شعریدن
رسام اولوم گوی من دیزیم داغلارا
منده مهارته، ظفره بیر باخ
بینادان گر کدی مایاق-تمتراق
سورو اوتارمیشام الیمده چوماق
یاپلمیش قویونوم، قوزوم داغلارا
سانسیز، ساییسز تجنیس، تخنیس ورمدی
بیر یوللار ازلدن خبرییم واردی
بیر نچه کیتاب یادیگاردی
شعردن دوشوب اوزوم داغلارا
فسونکار دیر بو بندئی-کمینه
شوکور یارادانیین اؤز کرمینه
پروانه اولموشام آران زمینه

اوشاق كن اورنيب اؤزؤم داغلارا
داشقين چايلار كيمي آخسام دااگر
ساوالان سويونو چيخار سام دااگر
مغريبدن مشريقه باخسام دااگر
جسرت قالاريئنه گوزوم داغلارا
داغلارا عاشيقم، هم پاسيبانام
حنالي داغلاردا قالير نيشانام
آتام دلينداغدير، ايستيسي آنام
نوه اولوب اوغلوم؛ قيزيم داغلارا
شمشير اوپوب زيرونهي قوجاقلار
او قدر يازميشام، دولوب وراقلار
افسوندور صحبتيم، سوزوم داغلارا

بيلدی

ياديندا ساخلاكي، كوچدو گوم يوردون
قدرين چوخو دوشنده بيلر
كوخالارين زميسينده سونبولو
باش - ياق بيغاندا كوشنده بيلر
كوسمه، گيليلنمه، انا وطنه
توپراق قارقيش ائلر، اينجيه ر سنه
سوروش، اورن، اهديندن بيلنه
هر كس دردي بورنو شهرينده بيلدي
سويو شربت، سوددن آغ بولاغلاري
شلاله لر آخار باغ بولاغلاري

ياديندا دوشنده داغ بولاغلاري
آراندا دوداغي بيشنده بيلر
اوزوندن ميتيلدي، ميستر قادي
شمشيري نئجه چكسين آديني
ياناغيندا دير پاليد، ولس اودوني
قاراتيكان كولي ائشنده بيلر

گل

عسگر اوغلان، مکتبيني اوخوردوم
عسگر ليگين سن بورجونو قوتير گل
تعليم اوره ن، بو يئرله شاد قايت
قولوقونو باشا چاتدير، يئتير گل
هوسله دور كئشيگينده وطنين
قاتي پولادداندی وطن قوده نين
خاطيرين، حورمتين، تفنگين سنين
قوی اوجالسين، بوباروتی قوتور گل
فهیمی فراستی بيلن باجان
ترييه دوشونه ر سؤز قانان اينسان
جسور ترپه ن، مهارتلی آد قازان
او تعليمی اوزون ايله گتير گل
درس آل کوماندانان كاميل، متبلر
متلبه چاتارسان اونوتماسان اگر
عملين اولاجاق بير محکم - انبر

قوخلانا جاق نفسیندن عطیر گل
سورور سان حالیمی گوزل دیر بیزیم
اومودوار گوزلیر یولون گوزوم
منیم ایگید او غلوم، جانیم، عزیزیم
شمشیر بابان مورادینا چاتیر گل

بنوشه

باهار چاتیب بزه یری داغلاری
آچیلیرمی سیزین یئرده بنوشه؟
قیمیشیرمی دوداغلاری نر گیزین
تازا-ترمی گونیلرده بنوشه.
آشیق قوربانیدان قالب نیشانا
تورپاقداییزده، اوانادا انا
بوینونو پریشان ایمسین یانا
سالمامیسان قلبیمی درده بنوشه
ندندی لاله نین باغریندا قارا
بو لطیف چیچگه کیم ووروب یارا
قیزیل گول قلبینی یئدیریر خارا
حیف کی تئز سولور بیرده بنوشه
اونا جان یئتیشر یاز نفسیندن
اویانیر یو خودان بولبول سسیندن
جنت چلنگینین دوشوب دسیندن
توتما سین اوزون پرده بنوشه
یاپراقین ظریفدیر یاراشیقی وار

چمنه ،چیچگه سارماشیقی وار
قوجا شمشیر کیمی بیر عاشقین وار
سویلر سۆزون دوشون یئرده بنوشه

عاشیقم

محبتته ،صداقته،ایلقارا
بیر چوره یه،بیرده دوزا عاشیقم
بیر قوجا یاریم وار؛مین قیزا دیر
نه گلینه،نه ده قیزا عاشیقم
مرده لازیم اولسا کئچرم جانان
تریه آلمیشام عاریف اینسانان
زهلم گئده ر حيله فیتنه یالانان
آچیق قالب دوغرو سوزه عاشیقم
جان داالله سینه او قدر بیله
اورینهدن کیمی کدری سیله
هر آن کومک دیر اوبایا الله
محبتته باخان گۆزه عاشیقم
حلال زحمت آلدیم صنعت بازاری
یول آلدیم حاق اولان دۆز یولا ساری
نییمه لازیم دی دونیانین واری
آریریدن قاچقینام،دوزه عاشیقم
مردده سخی گوردوم،اؤزونده هونر
مردیلر اولکسینده فیرلانان ایستر

معرفت دوشونر صاحبی - دفتر
عالیملر، عاریفلر، سؤزه عاشیق
اونا قاچیرام ناخلفدن، خطادان
باراتیمی پاک آلمیشام بیتادان
ثعتیمه اورنمیشم آتادان
شعرده سالدیغی ایزه عاشیق
شمشیری یئتیریب تاله بو یاشا
کونولو همد میدیمله گزه ریم قوشا
هانسی بیر دیل ائل نظیریم دانیشا
اهل - دیل، نورلو اؤزه عاشیق

ده بیر

تعنلی چوره گین، مینتله دونون
قیمتی چوروموش قزیله ده بیر
بیردن یئره، الیف قددین آدامین
درد چکیب بوره یی نزیله ده بیر
اینسان دئمه بئکمال، بی هوشا
او یولداشدی ویرانده بایقوشا
نانجیبی آلان اولماز قوروشا
آدام وار بیراتک قیزلا ده بیر
ده بیر بو مضمون عارف، اهل - دیل
منفه تی، محبتی یاخشی بیل
شمشیره هیجراندی بیلذت یوز ایل

دردی چکر اوره یی نه زله ده یر

گوزلرین

گور نئجه اوخشاردی یوخوسوزلارا
سنین بو اوزولوب یاخان گوزلرین
گاه بیهوش ائیلیسن آز قالدی منیم
ایلدیریم سرعتیله چاخان گوزلرین
گلن چوخدور بو وسفینه سسینه
گوزلر نه دئسینلر بس سنه؟
اؤزی عاشیق اولدورور بیر گلسه نه
هر دن خومارلانیب باخان گوزلرین
قاتیسان لیینه شکر، قندی
کیملر اویرتمیشدی سنه بو فندی
داغیتدی آتلادی اوبانی کندی
داغدیبا ائویم بیخان گوزلرین
واریب یئره سردن گلدیگیم یئرده
شمشیری آغلادین گولدوگم یئرده
سینه مه اوخ ووردون اولدویوم یئرده
منی نوکر ائتدی او خان گوزلرین

xxx

گننه نغمه کیتابینی اوخودوم
حیران اولدوم هر ایشینه شاعرین
ترلان کیمی قانادا آچدیم هاوادا

چاتان وارمی یئرشینه شاعیرین
سنه حلال اولسون بو قایل صنعت
بو عاگیل بو کمال فهم-فراصت
عاریف ده عالیم ده وئرجک قیمت
یئرشینه -دوروشونه شاعیرین
گلشینه ییزیم ائللر سئوینر
چمنلر بزه نیب گوللر سوئینر
شمشیر ائله گوروشونه شاعیرین

دئمیشلر

عبادتدی، زیبار تدی گوروشمک
یوخسوللوق، آیرلیق نعددی دئمیشلر
جان ساغلیقی عومور اوچون بهادیر
قوجالیق خسته لیق پیسدی دئمیشلر
بختین کسه، سؤزون داشا ایشلیه
هامی سندن جان ایسیه، جان دئییه
بوندان سونرا واری اختاریم نیه
طاماحسیز اینسانا بسدی دئمیشلر
دونیا مالی بو دونیادا قالاندی
چوخلاریندان تاختی-تاجی تالاندی
دوغرولوقدان غئیری نه وار یالاندی
محبتدن وفالی دوستدی دئمیشلر
یولوم دوشه گوره م اهل-دیللری

زیارت ائیلیم گوزه ل ائلری
ائله بیل اوزومه صبا یئلری
جنتین-بئھشتیدن اسدی دئمیشلر
گل شمشیرین طالعینه باخ ایندی
ماھیر مین مئیلی منه یاخیندی
سحر تزدن بیر مکتوبونو اوخوندی
آغریم جانیم تمام کسدی دئمیشلر

دئسم اولماز

آلاغا قرنفل، یووشانا ریحان
تیکانلی قانقالا گول دئسم اولماز
دمیره صاف قیزیل، سویوده صاندال
تاپیلان هر داشا لعل دئسم اولماز
آری شیره چکیر یازدا چیچکدن
نه چیخار بوش یثره یالان دئمکدن
بیر فایدا آختارما مگس-میلچکدن
شانیندا تاپیلار بال دئسم اولماز
نامردین واری وار، اوره گی یوخدی
بیر اینسان اوغلونا گره یی یوخدی
سخاسی، صفاسی، چوره گی یوخدی
یوخسولا وئرجگ پول دئسم اولماز
ایگید یثری دوشن یثرده یاخشیدی
یاخشیا یاخشیلیق بیر ده یاخشیدی

مرد اولان خئیرده ،شرده یاخشیدی
بی وفا آرخایا گه ل دئسم اولماز
شمشیر،ده سؤزلرین ،ساخلاما لنگه
اصلی آسلان اولان لایق‌دیر جنگه
پیشیک تاب گتیرمز شیره،پلنگه
دوشانا هنرینه فیل دئسم اولماز

یاراشماز

نامرده یالوارماق اینصافدان دگیل
دوشمنه یالتاقلیق مرده یاراشماز
اویؤنوب دئسه ده مین یول ناکیشی
منم قهرمان دا نرده یاراشماز
هر کس قیرتین دوشونسون ازه ل
گول اولماز سویوددن،توکولن خزه ل
آبیر حیا،حورمت ییلمین گوزه ل
چکسه ده اوزنه پرده یاراشماز
قاتیلده اوزونه دئمز جلادام
اونون ایشینه دوشمین ،یادام
خالقین احوالینا یانمایان آدام
دئسه ده شریکم درده یاراشماز
همیسه کم هونر،سئلنه ر داشار
دویوشه گیرمه میش قاینایار جوشار
یئرده ایش باجارماز،گویدن دانیشار

اونا گزمک هئچ دوز یئرده یاراشماز
شمشیر مقصدینه چاتا یاخشیدی
گووهری صرراف ساتا یاخشیدی
یاخشی اوغول، یاخشی آتا یاخشیدی
بئوجسه، خئیرده شرده یاراشماز

دئمک اولماز

قضا قدرلنیب اوز وئرنده درد
کمنده دوشمین قاچ دئمک اولماز
ناکس کولگسینده سیغیناندا مرد
کئچر ایلی، آیی خوش دئمک اولماز
ابلیسیین دوستلوقی غمدی قهردی
گیردال آشنالیق دا چوخ بیتهردی
نامرد پیلوونی یئمک زهردی
آغی دی لذتی، آش دئمک اولماز
آق باسما شیطان-ابلیس ایزینه
لعنت بیچین ایریسینه دوزونه
هرکیم باخسا ساتدیقی آرواد سوزونه
ساماندی کله سی، باش دئمک اولماز
چتیندی بی ایمان آدام اینانا
نه دیلله دئیم کی، آنلایا قاتا؟
نا نجیبه، بی ایلقارا، اینانا
اعتبار ائیلیب، ایش دئمک اولماز

شمشير دئير خايين اوره ك گيزلنمز
خويرات سوزو جانا اوخدو، دوزولمز
ترلان يوواسيندان سوموك اوزولمز
ايگيد توفنگيندن بوش دئمك اولماز

گور موشم

اوغول ايندى عدالت وار ايمان وار
من ده خيلى دوورانلارى گور موشم
دوولت قيده قالير گزير اختارير
آزاد اولان اينسانلارى گور موشم
باشا دويوب، ائللره قان ايچيردن
اوبالارى تالان ائديب كوچوردن
اينه لوم آليب ائولر اوچوردان
قاچانلارى، گوانلارى گور موشم
قارانلى گنجه لر تئز سحر اولدى
ظاليم كارين بالى غم، قهر اولدى
قولدورلارين آخير بئله تهر اولدى
خرابانى، ويرانلارى گور موشم
ناينصاف، كرمسيز، موروتسيز آغا
پير آدامين آدى دوشدى اوزاقا
ايلدى، بو كولى، چوكدى آياقا
خلقه كوتك وورانلارى گور موشم
قويون اوچون وارمى اينصافى كوركون

قىرار وطيندن سالار دىدير گىن
تمام يئر تيجيلار اولدولار سورگون
شمشيريم ، او زمانلارى گورموشم

ده يمز

ايكى اؤزلؤ، يالتاق اولان كيشيلر
عصمتيني ساتان قادينى ده يمز
آدام وار كى سسى توتوب هر يئرى
اختارسان شهرتى آدينى ده يمز
خائين ، خبيسى چكىلمز دردى
اونلار كى اولومدن داها بتردى
يئمه نامردين آشين ، زهردى
طعمى تورش آيرالين دادينا ده يمز
ياخشىلىقى كوتون گوتورمز باشى
اولنده دونيادان گئدجك ناشى
ساتديقين ياغ-بالى ، لذتلى آشى
مرد ايگيدى ياوان جادينى ده يمز
شمشير دوستلوق دئدى ، بير ده حقيقت
خبيس ، خاين ، ابليسە لعنت
سنه بى حيانين ائتديكى حورمت
دئشده چوروموش اودونا ده يمز

آز دانیش

اهل حال یانیندا آز دانیش، آز گول
بیر کلمه ن دریادان اولماسا ده رین
ایگیدلر ایچینده ار کیمی دولان
ناموس تاجین اولسون، اولماسا ارین
دوز دولان، اوجالسین اوز باشین، آ یار
قانمیرسا وور داشا اوز باشینی، یار
آرواد دولاناز اوز باشینا، یار
باشسیز آخان سولار اولماز هر ده رین
گور نلر یارانمیش بو داغدا بیر باغ
او دره بو باغدیر، بو داغ دا بیر داغ
شمشیریم، سالمیشام بو داغدا بیر داغ
دیمیشی قیسمتیم اولماسا، ده رین

دورا بیلمز

سرر آچان نامرد، سوز دئمه پیسه
نامردین قلیینده سوز دورا بیلمز
یولداش اولما آلچاق اولان ناکسه
دانیشار ایلقاردان تئز دورا بیلمز
مرد ایله اولفت قیل زحمته قاتلان
سلامت باش ساخلا هر ائحتیاتدان
بدنی حفظ ائله پیسدن، بدزاتدان

حرام دوغرو يولدا دوز دورا بيلمز
چاغيرما ظاليمي، يئتيشمز دادا
شمشير چوخ ايمتحان ائديب دونيادا
كارسيز قوهوم يامان گونده آرخادا
سن چوخ ارزيلاما آز دورا بيلمز

ياديما دوشدو

سحر آچيلاندا اوجا داغلارا
گول دوشونده آنام ياديما دوشدو
قولاغيم حزين بير لايللا سسي
ياتيشاندا، آنام ياديما دوشدو
سهميمده جانلاندي آنامين اونو
دومان كيمي آلدی يولار اوستونو
باجی قاداشيلا گوروشن گونو
سئويننه آنام ياديما دوشدو
آنالار اوغلون سئور قوجاقلار
گولور خياليما همين بو چاغلار
دويوشوب دئيشير دجيل اوشاقلار
ديلي شيرين آنام ياديما دوشدو
گوزلريم گورنده چمني گولو
آنيرام يايلاقدا شئهلي سونبولو
يازين قارانقوش، بير ده بولبولو
اوتوشنده آنام ياديما دوشدو

بالا چاغيراندا مئشه ده عليک
قوفا شمشير دينلر اينده چليک
قوشولوب قارتالا قايدا ککليک
سسلسنده آنام يادئما دوشدو

کيمي

نامرد سنين قولوقوندا قول اولار
اوز ايشي دوزليپ بيتن کيمي
اورشه-اورشه اوزونه گوله ر
الب بير طرفه چاتان کيمي
دوستو تانئماز نادان، سرسري
بو ائله سوزدور نه ناواختدان بري
گوي سئلر آپارسين نانجيلري
باخ، دالئجا گوزده ن ائته ن کيمي
خوريانين اوخ سوزو قالمئش دئدي
بو کوب قامتين، قديمي ائدي
بيلد يرچين ده بير آي پاييزدا بيردي
داری سونبولنه يئتيرن کيمي
شمشير، گوره ک مرداوجاقين قالسین
هر کس چکر اوز ديلينين بلاسين
گوي سني شئر يئسين، شئر پاچالاسين
تولکو کولگسينده ياتان کيمي

جئيران

امان اوچى دوزده قورما تىلى
حيفدير، دوشمىن اوززاقا جئيران
گه ل آتما گوله نن قانا بولانسىن
دوشر بالاسىندان اوزاق جئيران
اينسان اوغلو وورما بو قلم قاشى
اونو يو خودورمى يارى يولداشى؟
آخار، سئله دونه ر گوزونون ياشى
هر دونوب باخاندا ياراقا جئيران
بو گوزه ل پرييه گتيرمه زوال
گوزه لدير، عزيزله، قايقيسىنا قال
بىدى انصاف ائله آز نيشان آل
سوسويوب گلنده بولاقا جئيران
دىكسىنر، سكىسنىر ققانسىز اينساندان
رحم ائله ال گوتور او ظريف جانان
آغلايا- آغلايا گئدير موغاندان
وورغون گزمه يه قازاقا جئيران
شاعرىن خاطىرى شمشير يده بارات
توراجى ائللره وئريب امانت
داها طبيعت اولماز خيانات
بزنمىشسنى قوناقا جئيران

گوزلرلىن

ياناقين گويچك دير گولدن لاله دن
سنين نه گوزه للدى رقارا گوزلرين
منى حيفظ ائلسين، مروتة گلسن
وورموسان جاننما يارا گوزلرين
عشقين خسته سینه چکديرمه جفا
رحم ائله، آ ظاليم گل بير اينصافا
سندن اولا بلکى منه بير شفا
ائله يه درديمه چارا گوزلرين
داغلارين ککليبي آلا گوز نيگار
شمشير بو وصفينه يورولماز يازار
قوجالميشام آ شيقام گورمه گنهکار
قويما چکير منى دارا گوزلرين

اوظاليم گوزه ل

ندن اوزون دوندو، ياد اولدون مندن
من سنه نيلديم، آ ظاليم گوزه ل
دوشگون اولدوم سنين درد - غمينه
قويمادين دردينن آز آليم گوزه ل
نامرد کوسورون، ال يانديريرسان
آ شيقلاز آغزيندان ديل يانديريرسان
شاهيد اولسون اوبا ائل يانديريرسان
دوراجاق اوزونه ما حاليم، گوزه ل

داش يانير آتسه توپراق دا يانير
پيلته كيمي دونور، چيراغ دا يانير
چكير سن سومويه بيچاق دا يانير
سنه خوش گليرمي بو حاليم گوزه ل
لاله يدين، بو باغدا قالماديم گتدين
اونوتدون يادينا سالمادين گتدين
مني هيچر اليندن المادين گتدين
گه ل سنين قادان من آليم گوزه ل
سن يازيق شمشيرين قسدينه دور دون
اوزدون بو جانيمي درد ايله يوردون
گناهسيز محبوس، محكمه قوردون
توكنمدن سورقو - سووالين، گوزه ل

XXXXXXXXXXXXXXXXXXXXXXXXXXXX

گجیل

<http://Gajil.20m.com>